

pro Mr.

1871. III. 376.

QVÆSTIO
DE BONA FIDE
IN PRÆSCRIPTIONIBVS:

Quam

*Præsidente Admodum Reuerendo &
Clarissimo Domino*

D. IACOBO NARMANOWIC
I. V. Doctore & Professore ORDINARIO,
Archidiacono Pilecensi, &c:

ANDREAS PETRICOVIUS I. V. B.
pro Licentia in Vtroq; Iure assequenda
publicè ad disputandum proponet;

24. Ianuar.

ANNO DOMINI. M. DC. XVIII.

CRACOVIAE,
Ex Officina Andrea Petricouij, S. R. M. Typ.

2594 Braco.

IN ARMA

Illustrissimi & Reuerendissimi Domini,
D. MARTINI SZYSZKOWSKI,
Episcopi Cracouien. &c. &c.



G. R. BIBLIOTHECA
VNIV. IAGELL.
CRACOVIENSIS

158254

O fortunata Lunc, clarissima Regni
Lumina, & à primis condita temporibus.
Vos vos pro Patria, pro vestris Regibus, omni
Tempore, sollicitis estis in excubiis.
Vosq; ita Craceis radiatis ouilibus, hinc ut
Debeat exemplum sumere posteritas.

Illustrissimo & Reuerendiſſ. Domino,
D. MARTINO
SZYSZKOWSKI,
Dei gratia Episcopo Cracouiē:
Duci Seueriē. &c. &c.
Domino, D. & Patrono suo,
S. & F.

DONO PVBLICO introductam
esse Usucapionem atque Prescriptio-
nem, docuit Gaius noster in lib: ad
Edictum Prouinciale: cū propterea
quia interest Reipubl. ne Dominia rerum sint
incerta; tum quia imponendus erat modus aliquis
& finis perpetuis litibus; demum quia negligē-
tia Domini circa rem suam non debet esse im-
punita. Atque iis etiam de causis Sacri Cano-
nes (ut non dedignantur plerunque Iura sequi
Ciuiilia) locum fecere Prescriptioni in foro Eccle-
siastico; ut is qui Bona fide, iusto titulo ac legiti-
mo tempore, rem alienam tanquam suam posse-
derit, de

derit, de eius Dominio non amplius periclitetur. Inuénit tamen quod ultra in his quareret docta curiositas, dum vocat in dubium, An in foro quod dicitur conscientia tutus sit, qui Prescriptione, vel Usucapione acquisiuit Dominium rei? presertim si postmodum certus sit illam fuisse alienam. Et quanquam frequentiori DD. calculo definitum sit, nihil híc subesse periculi: non desunt tamen qui dum securitati interne plus nimio prospiciunt, nodum in scirpo inuenerunt. Nimirum satis non fuit iustis hominem angere atque teneri difficultatibus; nisi scrupulis etiam premeretur ultro quesitis. Hoc igitur quidquid est contro- uersia, dum in Academicum examen & publi- cam disquisitionem profero: Te mihi, Illustrissime Domine, Arbitrum, Te Iudicem & Patronum totius negotij exopto. Nam si tranquillitati ani- morum consulendum hac in parte sit: ecquis eam felicius nobis prestare ac restituere potest Prasule & Pastore nostro, quem summa pietas, & illasa mentis puritas supra humanum fastigium iam propè extulit. Deinde si ad Fori subsellia atque Tribunal prouocandum videatur, profectò non alium causæ huic Iudicem vel ipsa Themis delige- ret, quam

ret, quàm Illustrissimam Celsitud: Tuam; in cuius beato pectore iam olim resedit ac domicilium fixit omnis Diuini humaniq; Iuris scientia. Denique cùm his veluti gradibus ad Honores Academicos eatur consequendos; illorum ego partem aliquam absque nutu & auspiciis Illustrissimi Cancellarij nostri quarere, ducebam religioni. Annue igitur, Magne Prasul, & cùm omnia studiorum genera aucta & ornata esse mirificè velis: tum nostra, imò Tua, Iurisprudentia potissimum hoc deberi existima, vt Celsid: Tua beneficio, tanquam salutarì numine, vires sumat & incrementa; eosq; tandem fructus adferat, qui Deo non ingrati, Patriæ utiles, denique non indigni Academiâ meritò habeantur. Mihi verò, cui semper in votis fuit, inter deuota Celsit: Tua capita censerì; cura deinceps erit, vt Illustriss: Nomini atq; Honori Tuo possim aliquando haud profanus mysta adolere.
Datum Craconia in Collegio DD. Iureconsult.
Idib. Ianuarij Anno Domini, 1618.

Illustriss: ac Reuerendiss: Celsit: Tuæ

æternùm deuotus

Andreas Petricouius

EYKTIKON

Ad Cl^m V. D. And : Petricouium I. V. Candidat.

M. Laurentij Smieſzkowic.

DIVIS perge fauentibus
PETRICOVI, anima dimidium mea;
Quò te non Dea caecula
Impellens agitatu variabili
Harentem axe vago rotam;
Non aura fauitorum miserales
Affectu male conscio
Prognata: tua sed quò tua candida
Virtus te vocat, arduis
Semper sollicitans pectora nisibus;
Et nunquam comitata non
Post se, promeritis quæ exit honoribus.
Hoc desiderio calet
Altrix nostra, Parens nostra, Academia;
Hoc omnes acribus volunt
Votis, deproperes hoc iter ociùs,
Metam & feruidus occupa.
Iam te cura genis decolor exuit
Incidens sapientiæ
(Oraclo Socratis) pallida symbola
Doctam per faciem tuam.
Iam nos Hesperia dedecorant plage
Magnam quæ ingenij tui
Spectabant, oculis inuidiæ, indolem.
Ergo perge anibus bonis,
Decurrasq; tuum consiliantibus
Diuis curriculum hoc breue.
Et pressò cubito, nescius uspiam
Indulgere, Academiam
Perge ornare tui dotibus ingeni,
Pleno quas tibi de penu
Natura ingenuit rara benignitas.

Q V Æ S T I O

ex cap: Vigilanti.

EXT: DE PRÆSCRIPTION.

junctâ L. unicâ.

COD. DE VSVC: TRANSFOR.

V. Bona fides necessaria sit in
omni genere Præscriptionis;
ita vt si, vel initiò dum res pos-
sideri incipit, vel in medio tē-
poris lege definiti, vel in fine
dum absoluitur Præscriptio,
vel denique eâ iam completâ,
superuenerit mala aut dubia
fides; impediatur effectus Præ-
scriptionis: nec né?

CONCLUSIO I.

Bona fides necessaria est ad vsucapionē
& Præscriptionem: non eam tantum
quæ est longi aut longissimi tempo-
ris; sed ad illam etiam cuius origo ex-
cedit hominum memoriam.

COROLLARIA.

1. *Quamuis leges Ciuiles non multum laborent de Bona fide in Præscriptionibus 30. vel 40. annorum: tamen standum est in his dispositioni Sacrorum Canonum.*
2. *Solet interuenire Bona fides etiam in Contractibus & Actionibus, quæ idcirco Bona fidei appellantur: sed in his designat humaniorē quandam ex æquo & bono interpretationem; siue exuberantiam fidei.*
3. *At Præscribentis Bona fides consistit in ignorantia rei alienæ: sicut mala fides in conscientia eiusdem.*
4. *Ignorantia, in qua Bona fides consistit, facti est non lu-*

*non Iuris: hæc enim quæ Iuris dicitur, minimè
iuvat Præscribentem.*

5. *Non sufficit ad Præscriptionem Bona fides: sed
requiritur etiam iustus Titulus, & Possessio cō-
tinuata a tempore à legibus definito.*

CONCLUSIO II.

Ad inchoandam Præscriptionem re-
quiritur necessariò Bona fides; ita ut
non satis sit, si quis rem possidere in-
cipiat cum fide dubia, postea verò
continuet possessionem fide Bonâ.

COROLLARIA.

1. *Non est necessarium ut Possessor præscribere vo-
lens, aut completâ iam Præscriptione, probet
Bonam fidem: allegare tamen debet eandem;
præterquàm in Præscriptione immemorabili.*
2. *Bona fides auctoris prodest successori ad præscri-
bendum, quocunq; titulo succedat: sed mala fides
illius nō nocet successori; dummodò is sit in Bona*
B fide,

fide, nec utatur adminiculo temporis alieni.

3. *Datur medium inter Bonam & malam fidem, ut est Dubitatio: si tamen ad alterum extremorum sit reducenda, potius ad Bonam fidem pertinet, quàm ad malam.*
4. *Non potest lege Municipali aut consuetudine induci, ut Præscriptio vel usucapio procedat cū mala fide, etiam ad defendendum possessorem.*
5. *Fauore tamen Religionis potest Episcopus iure præscribere vicini Episcopi locum, quem illo negligente conuertit ad fidem Orthodoxam: quāuis ab initio sciuerit rem esse alienam.*

CONCLUSIO III.

Si post inchoatam legitimè Præscriptionem, superueniat dubium, an res quæ possidetur sit aliena; non interruptitur Præscriptio: secus tamen, si superuenerit mala fides siue conscientia rei alienæ.

COROL.

COROLLARIA.

1. *Dubitans de re quam possidet sitné sua vel aliena, mox tenetur moralem adhibere diligentiam, quâ certò cognoscat rem esse alienam.*
2. *Si tamen dubitet non solum sitné res sua, sed etiam An cū tali dubio possit licitè eam retinere vel præscribere; censetur in mala fide esse, nec Præscribit etiam longissimo tempore.*
3. *Ad impediendam Præscriptionem non interest quanto tempore bona fides fuerit interrupta: sicut nec refert quamdiu turbata sit possessio.*
4. *Sed interest an possessio naturaliter interrupta sit, an verò civiliter: aliàs enim soli interrumpenti prodest; aliàs cuius contra quē Præscribi posset.*
5. *Denunciatio facta à non Domino, siue mandatum habente, siue non; interrumpit possessionem civilem, constituitq; possidentem in mala fide.*

CONCLUSIO IV.

In decursu temporis, quo ex dispositione legis completur Præscriptio, adueniens mala fides, impedit effectum Præscriptionis: dubia non item.

COROLLARIA.

1. *Effectus usucapionis est acquisitio Dominiij tam directi quàm utilis in re mobili. An autẽ Prescriptione similiter acquiratur utrumq; Dominium in re immobili? Problema esto.*
2. *Datur Prescriptio per quam nec Dominium, nec quasi Dominium rei acquiritur, sed solum ius aliquod nobis contrarium extinguitur, exceptioq; legis auctoritate comparatur, ut allegatio iuris illius competere aduersario amplius non possit.*
3. *Laicus quamuis toto Prescriptionis tempore fuerit in Bona fide: non potest tamen prescribere ius decimandi contra Ecclesiam, aut personam Ecclesiasticam.*
4. *Imò etiam ius non soluendi decimas: siue sit spirituale, siue non: Prescriptione non possunt laici acquirere.*
5. *Reliqua autem quorum possessionis capaces sunt laici; nonnisi 40. annorum spacio contra Ecclesiam prescribunt: Centum annis contra Romanam.*

CON-

CONCLUSIO V.

Completâ iam Præscriptione, siue quis dubitet, siue certò sciat rem quam præscripsit fuisse quondam alienam : non tenetur ad restitutionem; sed securè eam possidet, etiam in foro quod vocatur Conscientiæ.

COROLLARIA.

1. *Completur Præscriptio ultimo temporis à lege definiti momento; & quoad suum effectum, tunc maximè incipit, cum desinit.*
2. *Qui existimat obligatum se ad restitutionem, eò quòd nunc sciat rem quam ante præscripsit fuisse quondam alterius: is si nequeat depone-
re hanc opinionem, tenetur ad restitutionem aut estimationem vero olim Domino.*
3. *Restitutio vel est facienda ratione rei acceptæ; & tunc si res perperda fuerit, cessat obligatio restitutionis: vel ratione iniustæ acceptionis; & tunc manet obligatio restituendi, etiam re peremptâ.*

4. *Etiam si*

4. *Etiam si nulla fuerit negligētia, sed solum ignorantia quam vocamus invincibilem, in eo contra quem praescribitur; amittit tamen Dominum rei: Et transfertur in eum qui praescripsit, ita ut nullo modo teneatur ad restitutionem aut aestimationem.*
5. *Interdum cessante obligatione restituendi tenemur adhuc ad aestimationem rei praestandam: tamen post Praescriptionem completam, non obligamur etiam ad aestimationem vero quondam Domino.*

Laus Deo Virginiq; Matri.





Sub felicib⁹ auspicijs Admodū Rñdi P.
ac Magnifici Domini, M. BASILII
GOLINII, Sacrae Theologiae Doctoris
& Professoris, Canonici Cracouiensis,
& Vniuersitatis Cracouiensis: Generalis
R E C T O R I S.

